

S **LO**
Afl. 1.25


BRIYANDO FUERTE • TRECIENDO CLARIDAD
DIAMARS 14 JANUARI 2025

Di Pueblo

**LISTA DI PARTICIPANTE
Y SECUENCIA DI BANDA
PA PREFINALS**



WWW.SOLODIPUEBLO.COM



SOLODIPUEBLO@GMAIL.COM

CASO PENAL CONTRA PERIODISTANAN CU A SCUCHA RADIO DI POLIS TA BAY CORTE SUPERIOR



**A DETENE 8
CHAUFFEUR PA
MANEHA BAO
INFLUENCIA DI
ALCOHOL**





ARUBA TOURISM AUTHORITY TA CENDE MECHA DI PARADA DI FLAMBEU

‘Ronella Croes CEO di A.T.A. ta inicia e prome parada di Carnaval 71’



<div><div>ACSM2025 PREFINALS DAY 1 TUESDAY, JANUARY 14</div><div>Band Performance Sequence</div></div>							
	BAND	STAGE NAME	NAME OF SINGER		SONG TITLE	COMPOSER	ARRANGER
1	THE GANG	Master Gusto	Derwin Kemp	M	Woporop	Jonathan Thiel	Rygel Isabella
		King Beach	Issael Rodriguez	M	Kluis	Jonathan Thiel	Rygel Isabella
		King Edward	Edward v/d Biezen	M	Bula Aden	Jonathan Thiel	Rygel Isabella
		Mighty Chow	Francisco Geerman	M	Soca Gone Wrong	Jonathan Thiel	Rygel Isabella
2	SHINE MUSIC	Ashanti	Ashanti Rodriguez	F	Jammin'	Reggie Curie & Ronwayne Kock	Reggie Curie
		Chicobens	Ebenson Cius	M	Only You	Ebenson Cius	Rodney v/d Biezen
		Mr. Uniq	Ronwayne Kock	M	Taste	Ronwayne Kock	Denny Loefstop
3	DLS	XENVN	Xenon Daal	M	Burako	Xenon Daal & Steve Andreas	Steve Andreas
4	SUONA	JoeRock	Joel York	M	Feel Alive	Joel York	Raul Piar & Joel York
		Ezrrraaaaa	Ezra Bosnie	M	We Love This Timing	Janiro Eisden	Raul Piar
		Queen Raya	Ishmerai Jubitana	F	Back Tap	Randolph Berry & Carl Roosberg	Claudius Philips Jr.
		King Size	Joshua Bryson	M	Feeling D Bass	Adolfo Richardson	Adolfo Richardson
5	OREO	Mighty Talent	Claudius Philips	M	Paranda Wuk Up	Claudius Philips	Claudius Philips
		Mighty Talent Jr.	Shaun Philips	M	Throwin D Watah	Shaun Philips	Claudius Philips Jr.
		Lady Eyes	Diana Emerencia	F	Survivor	Claudius Philips	Claudius Philips
6	IMPAK 4PLAY	Lamar	Lamar Grell	M	Road Rage	Randolph Berry & Claudius Philips Jr.	Claudius Philips Jr.
		Anamo Ra	Ra Hazel	M	Sumtin 4 Da Road	Impak 4PLay	Freddy Vorst
		Keysha	Kisha Philips	F	Caribbean Gyals	Claudius Philips Jr.	Claudius Philips Jr.
		Maggy	Margaret Marin	F	Ready Fuh D Road	Adolfo Richardson & Impak 4Play	Adolfo Richardson & Candred Lanoy
		KrissYo	Christopher Stamper	M	Party Land	Christopher Stamper & Impak 4Play	Candred Lanoy & Impak 4Play
		Masterkey	Reinwald Geerman	M	Carnival I Found You	Reinwald Geerman & Bradley Vesprey	Mark Maduro

<div><div>ACSM2025 PREFINALS DAY 2 WEDNESDAY, JANUARY 15</div><div>Band Performance Sequence</div></div>							
	BAND	STAGE NAME	NAME OF SINGER		SONG TITLE	COMPOSER	ARRANGER
1	PHENOMENON	Rusty	Reynaldo Sprott	M	Take Me Away	Hendry Tromp	Hendry Tromp
2	GOOD TIMES	Jab Jab Nelson	Jim Nelson	M	Time To Fête	Urmain Dinzey	Urmain Dinzey
		Mr. Good Times	Urmain Dinzey	M	Tear It Up	Urmain Dinzey	Urmain Dinzey
		Chef Cook	Javier Dinzey	M	Soca Take Over	Urmain Dinzey	Urmain Dinzey
		The Phantom	Stephen Dinzey	M	Playing Mass	Urmain Dinzey	Urmain Dinzey & Stephen Dinzey
		Mighty Jaoul	Ralph Godet	M	Roll & Throwback Juve	Ralph Godet	Ralph Godet
3	BULERIA	Kito Tey	Michael Jr. Quant	M	You And Me	Michael Jr. Quant	Dimitri Frans
		Queen Chanty	Chantal Quant	F	Fête Before The Music Is Over	Richard Quant	Denny Loefstop
		Kulchaman	Denzel Browne	M	What R We Fighting For	Denzel Browne &	Rygel Isabella
		OyeMaiky	Michael Dorbeck	M	True Thing	Michael Dorbeck & Rygel Isabella	Rygel Isabella
4	AZUCAR	Mr. Culture	Robert Maduro	M	Burning Hot	Robert Maduro	Mark Maduro
5	N FUZION	The Commissioner	Adolfo Richardson	M	Ain't Too Old	Adolfo Richardson	Adolfo Richardson
		Aimee	Aimee Middendorp	F	Soca Family	Janiro Eisden & Danny Koolman & Nigel Hoek	Nigel Hoek
		Suhcy	Nigel Hoek	M	Metronome	Nigel Hoek & Janiro Eisden	Nigel Hoek
		Lyrod	Lyrod Escudero	M	Home	Janiro Eisden & Nigel Hoek	Nigel Hoek
		Julio	Julio Andrews	M	Hinca Aden Saca Nobo	Janiro Eisden	Janiro Eisden
		Jetzina	Jetzenia Martines	F	Soca Is Life	Janiro Eisden	Janiro Eisden
6	DURO	Casper	Jair Dijkhoff	M	Barefoot (Pia Abou)	Duro Entertainment	Mark Maduro

LANDCRUISER A REVERSE Y ELA HAAK UN CHEVROLET S10



Diadomingo anochi a drenta informe di un accidente poco straño na Jaburibari, mesora a dirigi un patruya na e sitio.

Na yegada di e patruya a

bin compronde cu aki ta trata di un accidente unda cu un Toyota Landcruiser a bay reverse y e "bol" patras di e Landcruiser a haak e Chevrolet S10 pickup y e Landcruiser a sali bay ta

touw e pick-up mesora ela para pa los esaki.

Afortunadamente ningun hende a resuklta herida pero si a haci daño na e auto.

HONDA FIT A BAY PEGA BOU UN MATA NA MOKO



MOKO - Diadomingo atardi rond di 6'or di atardi polis y ambulance a bay na e crusada di Moko, pa un auto cu a drenta mondi.

Chauffeur di e auto a keda den e auto y no tawata reacciona mucho bon unda cu mester a pidi pa ambulance.

Segun testigonan, e auto un Honda Fit color preto a haci strango, unda cu e lo a subi tereno di un cas y core

bay zuid pega bou un mata.

Paramediconan cu a yega a papia cu e chauffeur un rato y despues famia a yega y asina e la baha for di e auto y nan a yude subi ambulance.

Slachtofferhulp a wordo solicita pa presenta na Hospitaal, unda cu lo mester papia cu e hoben aki cu ta pasando den algun momento fastioso.



HOOFDSTEMBUREAU
ARUBA

Anuncio destruccion paketenan seya

E Presidente di Hoofdstembureau ta participa lo siguiente:

Conforme articulo 87 inciso 2 di Ordenansa Electoral, mester destrui tur pakete seya despues cu e resultado di eleccion a wordo estableci y cu a dicidi riba e admision di e miembronan di Parlamento cu a wordo scogi. Den e paketenan seya tin carchinan di voto (oproepingskaarten), stembiljetten y copia di e registro di votado.

Tanto e resultado como e decision relaciona cu e admision di e miembronan di Parlamento a tuma lugar.

Den cuadro di esaki Hoofdstembureau ta informa cu e paketenan seya lo wordo destrui manera stipula den ley, dia 14 di januari 2025 pa mas o menos 9 or di mainta na Parkietenbos.

Esaki lo sosode bou coordinacion di Censo y DOW.



Noticia di Corte

CASO PENAL CONTRA PERIODISTANAN CU A SCUCHA RADIO DI POLIS TA BAY CORTE SUPERIOR

E caso penal contra e cuater periodistanan Richard Lacle, Brian Koolman, Norben Giel y Nelson Cabral de Andrade (Speed), ta bay Corte Superior.

SOLO DI PUEBLO por a compronde cu Ministerio Publico no ta di acuerdo cu e sentencia y a apela.

Hues den su sentencia na December 2024, a declara Richard Lacle, Brian Koolman, Norben Giel y Speed liber di e acusacion di a forma parti di un organizacion criminal. Hues ta haya cu no tin suficiente prueba. Hues a sigui bisa cu Speed, Giel y Lacle ta culpable di a cumpra Vos. Hues ta haya proba cu Speed, Giel y Lacle a paga Vos. Cada un a haci'e na nan manera. Hues a bisa cu e ta haya e declaracion di Vos confiabel. Na opinion di Hues, no ta esey so. E declaracion di Vos, ta wordo confirma door di e chatnan riba whatsapp. Tin prestamo di placa haci y a duna regalo, pa asina move Vos como ambtenaar haci cosnan cu ta contra di su obligacion como agente di Polis. Hues ta haya tur cuater periodista culpable cu Vos a viola su obligacion di comparti informacionnan secreto

di Polis. Hues a bisa cu Vos no a haci'e su so. E acusadonan a yuda door di duna diferente laptop, facilita aparato wifi, instalacion di cierto apps pa asina haya tur informacion for di radio di Polis. Hues ta haya cu cada un a haci aporte significante den esaki.

LIBERTAD DI PRENSA TIN LIMITE

Hues a reacciona riba defensa di abogado, cu mester tene cuenta cu libertad di prensa. Hues a bisa cu en principio mester respeta esaki pa democracia den un pais. Sinembargo, e limite di libertad di prensa ta wordo determina pa ley.

Hues a enfatisa cu un periodista no por haci delito pa haya informacion.

FISCAL A APELA SENTENCIA

Ta asina cu Fiscal a exigi 2 aña di prison pa Speed y a exigi pa detencion di biaha ora Hues dicta sentencia. Fiscal a mostra cu Speed, apesar di a wordo condena pa un caso similar, a bolbe haci e mesun delito y den su periodo di prueba.

Fiscal a exigi 18 luna di prison di cual 8 luna ta condicional pa Giel y Lacle y cu 3 aña di prueba.

Fiscal a exigi 6 luna di prison condicional pa Koolman cu 3 aña di prueba.

Hues a condena Lacle y Giel na 240 ora di trabao pa comunidad y si no cumpli cu esaki, lo mester bay 120 dia sera den KIA. Tambe Hues a condena Lacle y Giel na 12 luna di prison condicional cu 3 aña di prueba. Esey ta nifica cu si den e periodo di 3 aña nan haci algo contra ley, nan lo por haya e 12 luna di prison riba e castigo cu nan lo haya pa e delito cu nan a haci.

Hues a condena Speed na 18 luna di prison di cual 12 luna ta condicional cu un tempo di prueba di 3 aña. Esey ta nifica cu Speed mester bay 6 luna sera den KIA. Hues a bisa cu Speed a haya mas castigo pasobra Speed a haci e delito aki den su tempo di prueba pa un condena di e mesun delito aki cu el a yega di haci den pasado.

Hues a condena Koolman na 150 ora di trabao pa comunidad y si e no cumpli cu esaki, e lo mester bay sera 75 dia di prison. Tambe un castigo condicional di 3 luna di prison cu 3 aña di prueba. CASO TA BAY CORTE SUPERIOR

A DETENE 8 CHAUFFEUR PA MANEHA BAO INFLUENCIA DI ALCOHOL

Departamento di Trafico y Unidad Motorisa a haci control prome durante y despues di Parada di Flambeau.

Departamento di Trafico a controla na comienso di e Parada di Flambeau pa loke ta trata e papelnan di auto como tambe rijbewijs valido.

Unidad Motorisa a haci controla na diferente camindanan strategico durante parada.

Total a detene 8 chauffeur pa maneha bao di

influencia di alcohol. Di cual 3 a perde nan rijbewijs.

Aña 2024 a conta cu 11 detecion pa loke ta maneha bao influencia di alcohol. Dus un rebaho tambe pa loke ta control despues di parada di Flambeau.

Controlanan lo continua durante e otro paradanan nos dilanti.

Cuerpo Policial ta haci un apelacion un biaha mas pa no maneha auto bao influencia di alcohol. Usa Bo Amigo Responsabel.



ACSM2025 PREFINALS DAY 3 THURSDAY, JANUARY 16							
ACSM		Band Performance Sequence					
		MUSICA					
	BAND	STAGE NAME	NAME OF SINGER		SONG TITLE	COMPOSER	ARRANGER
	YX3M	Naldo	Arnaldo Maduro	M	Road Fête	Arnaldo Maduro	Harvey Agunbero
		M.I.K.E.Y.	CarlMichael Richardson	M	Fyah	Harvey Agunbero & CarlMichael Richardson	Harvey Agunbero & CarlMichael Richardson
		Stuwy	Stuart Smit	M	Rich In Life	Harvey Agunbero	Harvey Agunbero
		EK	Eugene Kemp	M	Rock And Roll	Eugene Kemp	Eugene Kemp & Harvey Agunbero
2	HOT ONES BAND	Queen T	Tania Granger	F	Nah Missing This	Angelo Richardson	Emil Krozendijk
		The Soca Mafia	Angelo Richardson	M	Ready	Angelo Richardson	Emil Krozendijk
3	GROOVE MASTERS	Diamond Chip	Ashrock Gario	M	Still Savage	Ashrock Gario	Giendrick Boekhoudt
		Tip Toe	Travis Tucker	M	My Life	Ashrock Gario	Mark Maduro
		T Money	Antonio Mingo	M	Soca Daddy	Ashrock Gario & Janiro Eisden	Giendrick Boekhoudt
		Blacky	Mervin Baptist	M	Tell Them	Ashrock Gario & Janiro Eisden	Giendrick Boekhoudt
4	D'ISLANDERZ	Prinses Habibi	Jessica Alexa	F	We Are Boss	Ortix Schmidt	Wayne Spanner
		Black Queen Sha	Shaindra Ashby	F	Touch	Ortix Schmidt	Wayne Spanner
5	TSUNAMI	Easy B	Bradley Vesprey	M	Soca Train	Bradley Vesprey & Brendon Joseph	Rod Benjamin
		Galloway	Carl Roosberg Jr.	M	Dr. Carnival Lector	Carl Roosberg Jr.	Rod Benjamin
		Lady La Rouge	RuthJean Landaeta-Helder	F	To The Top	Randolph Berry & Claudius Philips Jr.	Claudius Philips Jr.
		Freddy Rasta	Malaghy Richardson	M	1 For Unity	Malaghy Richardson & Jonathan Thiel	Rygel Isabella
		Daddy Bass	Randolph Berry	M	Repo Man	Randolph Berry & Claudius Philips Jr.	Claudius Philips Jr.
		Big Reckless	Agmyr Vesprey	M	Road	Bradley Vesprey & Brendon Joseph	Rod Benjamin
		Jr. Bass	Randon Berry	M	Let's Go	Randolph Berry & Claudius Philips Jr.	Claudius Philips Jr.
		Queen Sashah	Sashah Figueroa	F	Love In The Air	Carl Roosberg Jr.	Rod Benjamin
		Mitch	Michel Almary	M	Nobody	Carl Roosberg Jr.	Rod Benjamin
6	ZETA BAND	Mighty Tattoo	Richard Quant	M	El Paysa	Richard Quant	Mark Maduro

DAMA LEVEMENTE HERIDA DEN BOKSMENTO



L.G.Smith Boulevard - Diadomingo atardi a sosode un boksmento entre un Kia Rio y un BMW, unda nan a dal tras di otro.

Por a mira cu no tawata tin hopi daño material, pero debi cu e BMW a dal tras di e Kia e dama den dje lo a sinti dolor na lomba.

Polis di trafico y ambulance a presenta, unda cu e Paramediconan a atende cu e dama.

PERSONA INDESEA A PRESENTA NA KAS Ariba PA MENASA UN OTRO PERSONA

Diadomingo anochi a drrenta informe di un caso di menasa na Kas Ariba, mesora a dirigi un patruya na e sitio. Na yegada di e patruya a a bin compronde cu e

sospechoso a caba di bandona e sitio. Polis a compronde cu aki lo ta trata di e ex di un dama, Polis a bis'e cu e lo por pasa na recherche entrega keho di menasa.



CHAUFFEUR CU A BAY BUSCA SU TATA A BAY DAL TRAS DI UN AUTO NA POS ABAO



Dialuna madruga a drenta informe di un accidente na Pos Abao, mesora a dirigi un patruya na e sitio. Na yegada di e patruya a bin compronde cu aki ta trata di un Kia Sportage cu a bay

pasa un otro auto na Pos Abao pero net ela calcula malo y a bay dal tras di un Hyundai Elantra. Afortunadamenteningun hende a resulta herida.



ARUBA TOURISM AUTHORITY TA CENDE MECHA DI PARADA DI FLAMBEU

‘Ronella Croes CEO di A.T.A. ta inicia e prome parada di Carnaval 71’

Cu gran honor, Aruba Tourism Authority (A.T.A.), como un di e sponsornan oficial di Carnaval, ta cende e mecha ceremonial pa asina inicia e promer actividad oficial di Carnaval 71. Esaki ta un papel prestigioso cu ta resalta e sosten continuo y reconocimiento diparti di A.T.A. pa cu Carnaval. Un tradicion cu ta sirbi como un herencia cultural vibrante di nos isla.

Como parti di strategia general, A.T.A. ta duna hopi balor na eventonan social, cultural y recreativo, reconociendo nan como elemento vital pa mehora e experiencia di tanto residente como nos huespednan. Según meta general turístico di A.T.A., Carnaval di Aruba ta ser considera como un dia eventonan cultural di mas grandi di nos isla. Un evento cu ta ofrece un experiencia unico cu ta provee s comunidad local un oportunidad pa demonstra nan creatividad sin limite cu vestuario imaginativo y musica vibrante. Un evento cu ta uni e residente, mientras ta invita nos huespednan pa uni y promove un imagen positivo di e oferta cultural autentico di Aruba.

Cu e tipo di iniciativa aki, A.T.A. ta fortalece su compromiso pa percura cu tanto nos residente como nos huespednan por experiencia e rikesa di nos actividadnan cultural, algo cu ta amplifica nos identidad unico.

A.T.A. ta fungi como un promoter internacional pa Carnaval di Aruba desde su origen. Cu utilizacion di diferente canalnan di mercadeo, cu ta inclui feria y eventonan internacional. A.T.A. ta percura pa resalta e magia di Carnaval na e audiencia riba un nivel mundial, garantizando su



reputacion como un di eventonan di mas importante pa e isla.

Sosten Continuo

Desde su establecimiento na 2014, A.T.A. orguyosamente ta fungi como un patrocinador oficial di Carnival Stichting Maneho di Aruba Carnaval (SMAC). Prome cu SMAC, A.T.A. a percura pa duna sosten na organisacion na Carnaval via Stichting Arubaanse Carnaval (SAC). Ambos ta organisacionan cu a y ta cumpli cu criterionan

importante di A.T.A. pa sigura transparencia y alineamento di e meta comparti. Esaki ta resulta den sosten financiero anual pa asina sigura Carnaval di Aruba.

Inversion Anual den Carnaval

Cada aña, A.T.A. ta inverti grandemente den Carnaval di Aruba, sostenendo varios aspecto, manera logistica y infraestructura, patrocinio di eventonan pa promove participacion local y huespednan. Campaña di

mercadeo cu ta eleva e visibilidad di Carnaval internacionalmente. Esfuersonan colaborativo cu diferente organisacion local pa amplifica e narrativa cultural di Aruba.

Cu inicia di Parada di Flambeau, A.T.A. keda comprometi y dedica na engrandece Carnaval di Aruba como un di e eventonan cultural di mas grandi pa e isla. Un feliz Carnaval 71. Gosa sanamente!

E PROYECTO CAQUETIO, AFRICANO, EUROPEANO: NOS TUR TA UN FAMILIA! TABATA UN GRAN EXITO

Señora Lilly Marlene Peterson MA Museologia ta laga sa cu e proyecto “Caquetio, Africano, Europeo: Nos tur ta un familia!” tabata un gran exito.

E proyecto ta parti di e programacion di e año di conmemoracion di e Historia di Slavitud transatlantico Hulandes di e reino Hulandes cu a tuma luga na Aruba. E proyecto a cuminsa dia 8 di november 2023 y a finalisa dia 8 di november 2024. Durante un año señora Lilly Marlene Peterson MA a pasa bario pa bario dunando un charla y tayer riba e tematica di slavitud transatlantico di Aruba; curashando hende pa busca nan ancestornan den e registro di catibo digital di Aruba. Aki algun resultado di e proyecto y websites pa bo mes por busca.

Un total di 365 persona a participa den e proyecto di locual 311 tabata un adulto mayor entre e edad di 60 pa 97 año cu a nace riba un di e ABC islanan. 63% di e participantenan a laga sa cu nan a busca nan familia, cu tabata esclava of cu tabata tin esclavo aki na Aruba, den nos registro di catibo nacional.

E meta principal di e proyecto akitabata pa traha un video di cuater minuut pa inspira e adulto mayor pa busca nan familia den e registro di catibo digital di Aruba uzando nan celular.

81% di e participantenan a reacciona positivo riba e video, nan a bira entusiasma ora nan a wak

e video. Tin cu a asta yora pa via cu nan a sinti nan mes balora y honra cu e video cu a wordo traha special pa nan.

Dia 7 di november señora Peterson a entrega un USB stick cu e video na señor Edric Croes, di Archivo Nacional y awo tur hende por subi e website di Coleccion Aruba pa wak e video: Nos tur ta un familia! Un di e metanan di e proyecto tabata pa duna 30 presentacion. A logra di duna 28 presentacion; esaki ta 93% di e logro. Señora Peterson ta masha contento cu e logro aki. 93% ta e ekivalente di un 9 riba un rapport di scol. Y un 9 ta un bunita rapport-cijfer.

E presentacionnan a wordo duna den seis di nos districtonan na Aruba. E districtonan ta dividi den 55 bario di locual 51 tin hende ta biba. Den cada un di e barionan aki tin por lo menos un persona cu a participa den e proyecto. Asina e informacion a wordo plama ful rond di Aruba.

Bandadie presentacionnan den bario unda cu e adultonan mayor por a participa den e proyecto y papia personalmente cu sra. Peterson. Señora Peterson a laga pone diferente articulo den diferente corant, el a papia riba radio, Facebook y na television den e programa “Nos Mainta”.

Un otro meta tabata pa haya por lo menos 25 persona busca den e registro di catibo digital y



informa señora Peterson di esaki. 278 (89%) persona a laga sa cu nan lo comprati e informacion cu nan a haya cu nan familia.

Cu e buskeda den registro di catibo 38% a laga sa cu nan ta descendiente di esclavo. Algun a yora ora nan a haya nan familia den e registro, algun a rabia cu nan a wordo discrimina y hasta tabata tin hende cu tabatata desapunta cu nan no ta mara na slavitud di Aruba. Cu e buskeda 17% a laga sa cu nan ta descendiente di esnan cu tabata tin esclavo y 45% no sa con nan ta mara na slavitud. Cu un parti di e hendenan cu a busca den registro no sa, tin un parti di haber cu e tempo cortico cu nan a haya pa busca, cu e matrimonio di e doño esta e shon cu su esclavo. Asina esun cu tabata esclava a haya e number di nan doño y nan number cu nan a haya na liberacion bai perdi.

Haya sa bo identidad y bira y keda doño di bo propio storia y historia.

Busca den e database riba e website www.coleccion.aw/database, yena bo fam y primi e boton “Busca”. E database ta duna bo e cantidad di persona cu tabata esclava; mira cuanto resultado tin. Si bo a haya un lista cu number, e nombernan na bo man robes ta e nombernan di e personanan cu tabata esclava; banda di esey bo ta haya e año cu e persona a nace; e number di su mama; algun suceso cu a tuma lugar manera: benta, findishi, manumision, y e number di su doño/shon. Cu e number di e mama bo por sigui busca otro miembro di familia djis primi riba e number di e mama. Tambe por busca riba otro isla manera Boneiro, pais manera Venezuela y trabou manera “labadora” of “cunukero”. Pa esnan cu su hendenan no a nace na Aruba por busca informacion den www.wiewaswie.nl y den e Archivo Nacional di Hulanda esta www.nationaalarchief.nl. Busca den e siguiente

archivonan si bo a nace na e siguiente lugarnan:

-Boneiro: https://www.nationaalarchief.nl/onderzoeken/archief/1.05.01.02/invnr/246/file/NL-HaNA.1.05.01.02_246_0001;

-Corsow: <https://www.nationaalarchief.nl/onderzoeken/zoekhulpen/curacao-slaven-en-emancipatieregisters-1839-1863>;

-Sint Maarten/Sint Eustatius/Saba: <https://www.nationaalarchief.nl/onderzoeken/Index/nt00341/2a842672-d7f2-11e2-a0c1-00505693001d>;

-Surinam: <https://www.nationaalarchief.nl/onderzoeken/zoekhulpen/suriname-slavenregister-1816-1863>;

-Inglaterra: <https://nationalarchives.gov.uk/help-with-your-research/research-guides/slavery-or-slave-owners>.

-Francia: <https://esclavage-indemnites.fr/public>

Señora Peterson ta desea bo persona hopi exito cu bo buskeda.

E PROYECTO CAQUETIO, AFRICANO, EUROPEANO: NOS TUR TA UN FAMILIA! TABATA UN GRAN EXITO





-Corsow: <https://www.nationaalarchief.nl/onderzoeken/zoekhulpen/curacao-slaven-en-emancipatieregisters-1839-1863>;
-Sint Maarten/Sint Eustatius/Saba: <https://www.nationaalarchief.nl/onderzoeken/Index/nt00341/2a842672-d7f2-11e2-a0c1-00505693001d>;
-Surinam: <https://www.nationaalarchief.nl/onderzoeken/zoekhulpen/suriname-slavenregister-1816-1863>;
-Inglaterra: <https://nationalarchives.gov.uk/help-with-your-research/research-guides/slavery-or-slave-owners>.
-Francia: <https://esclavage-indemnites.fr/public>

Señora Peterson ta desea bo persona hopi exito cu bo buskeda.

Señora Peterson a clausura e proyecto na Museo Arqueologico

Nacional Aruba. E invitadonan tabata pa e coordinadonan di e gruponan di adulto mayor den bario, e artistanan cu a participa den e video y su partnernan di Archivo Nacional Aruba, Museo Arqueologico, e proyecto “Hunto Grandi Grandi Hunto” a ricibi e Appeltje van Oranje e aña aki, y Lions Club Aruba.

Finalizando e articulo aki señora Peterson ta bin bek na e pregunta cu e a haci den su prome articulo dia 8 di november 2023. E pregunta cu señora Peterson a haci na e participantenan na comienso di e proyecto ta si nan ta sinti nan mes di ta parti di un pueblo. Esaki a wordo inspira door di e lirico di e cantica cu a wordo canta riba dia 1 di juli 1863 door di esnan cu a wordo libera di esclavitud. Un di e frasenan di e lirico



ta bisa “Nos tur ta un”. Señora Peterson a puntra den un encuesta si tras di e nomber di e proyecto mester bin un signo di esclamacion (!) of e signo di pregunta (?). Y 87% di e participantenan a scoge pa un signo di esclamacion.

Nificando cu nos naci na Aruba ta un mescla di Caquetio y/of Aricano y/of Europeo si nos ta considera otro di ta parti di e gran familia Arubano. Pa e motibo aki e signo di esclamacion a wordo poni tras di e nomber

di e proyecto. E nomber na final di e proyecto a bira Caquetio, Africano, Europeo: Nos tur ta un familia! Un participante a haci esaki mas bunita ainda y a bisa “Nos ta un solo familia!”

SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen



Ya nos a despedi di dje y bisa ayo y te despues na nos bon amigo locutor profesional cu curason grandi . E ta den mi curason ainda, e bunita atardi ey cu speechnan bunita di e.o. Erin Croes di Magic FM , Pastor Marcel Balootje, Victor Pietersz y Mimi Koolman y boso amiga y sirbidora Ruthy “Lady Ruth” a recita un bunita poema prosa na comienzo di e atardi tristo aki, pero accepta pa tur, pasobra Dios ta duna, Dios ta tuma.

Hopi coleganan den e mundo di radio difusion a bin despedi di Johnny Habibe, the Anchorman di Megga 88 y Hit 94 FM. Aruba a

perde un di e mihor bosnan na radio. Awor su yuinan ta hasiendo tur lo posibel pa sigui den e pasonan exitoso di nan tata den e ramo aki di radio difusion. Un reto grandi sigur pero no imposibel cu e curason na e bon lugar. Nos a sigui nos curason pa comparti e poema prosa den nos relato di awe. Mientras hopi ya ta den e dushi ambiente di carnaval su actividadnan, tin famianan tristo cu perdida di un ser keri. Nos condolencia, consuelo y amor na tur e famianan aki. Palabranan hopi usa di e poeta lady Ruth ta, cu, nos tur tin cu bay un dia... Mientras nos ta aki na

mundo rondona pa e fisico y material, nos lo sigui hasi nos best den tur cos dia pa dia, segun e boluntad di nos Creasor di amor. Ata aki e poema prosa dedica na felis memoria di mi gran amigo locutor y presentador John Alex”Johnny”Habibe RIP. Danki pa e atencion di curason na nos relato di awe. Un bon dia yen di sabiduria den nos alegria.

JOHNNY CU FE DEN SU BUNITA CURASON... Aruba den shock cu cambio di anja 2024 pa 2025 Wowonan a lesa riba facebook Curason y alma cu tristeza di warwaru

No por a yora, silencio cu hopi pregunta sin contesta
Un smile, Johnny a biba bon na paz cu tur
A bay nos dilanti un crenchi tempran,
Aya riba lo sigui cu mas bunita y bon trabao
Bon amigo, colega locutor, colega den medianan di comunicacion
Donjo y director di exitoso Mega 88 y Hit 94 FM
Su team di locutor y presentador, Julissa su man drechi den oficina
Patrosinadornan y comerciantenan , fiel oyentenan den tur skina
Su noticiero y programa Johnny’s Goldies bon scucha
Johnny su curason na e bon lugar
Yen di fe y gradicimento pa su Yaweh
Un mente, alma y curason bunita di un genio a uni nos awe

John Alex Habibe cu estudionan, cursonan, trabaonan y logronan incomparable
Guapo, unico y profeshonal hopi sabi a sinyu su mes tur cos den e mundo di radiodifusion
Nos a lesa di esakinan, skirbi pa Roberto G. Croes, den “Nos historia Nos herencia”
Nos a tende di esakinan den e programa Voices and Choices cu Marisol Tromp
A Nos a combersa cu Johnny regularmente den dushi ambiente di paz
Ora nos bishitele pa papia di cosnan social cultural den

su noticiero
A comparti di curason pa curason, di nos fe, di nos amor pa Creador di Universo
Su bos fuerte caluroso y unico lo keda graba den nos cu su mirada profundo
Su seriedad y su chistenan, su elogionan, respet y aprecio cu ela merece aki na mundo
No ta iguala locual ta spere ayanan den Reino Celestial
Un cabayero, un bon hende, un dushi hende a bay laga nos
Awor, uni den e eterno amor, splendor y luz di Dios

E ser humano precioso den Johnny a inspira nos tur, Como hende, tambe a faya aki aya y por a hasi algun cos diferente,
Pero a sigui stima tur su sernan keri y tawata orguyoso di nan y di tur fiel oyente
Cu respet y amor di YAWEH pa tur prohimo ruman
Johnny su fe fuerte y fiel den su respet y amor pa YAWEH , grandi y ehemplar
Sigui bo rumbo lieve Johnny, meymey di e streanan como un strea cu tono celestial
Johnny Habibe, The Anchorman, cu bunita aprecio di amistad pa Ruthy Bergen Vrieswijk
Un amistad sincero y directo den luz infinito, di alma pa alma , hopi special
Danki pa tur locual bo a hasi pa alegra nos curason cu bo talentonan duna na Aruba, Awor den tur libertad den Cas Musical Celestial di bo YAWEH sin duda

Cachonan envolvi den atake mortal riba mucha di 7 aña na Belgica a wordo sacrifica

E cinco cachonan cu diahuebs a ataca un mucha di shete aña na Belgica, a wordo sacrifica. E victima, Aodren, no a sobreviví e atake.


Alcalde di Quévy a confirma na Sudinfo cu e cachonan a wordo sacrifica. E incidente tragico aki a sosode na un shelter di cacho,

perteneciente n'e famia di Aodren, cerca di Quévy, n'e frontera cu Francia. E atake a sosode mientras cu Aodren y su mama a bay duna e cachonan di come. E cinco



Malamute, típico cacho di slay, a ataca repentinamente.

Chauffeur di edad a baha caminda dal riba un palo di lus na J.G. Emanstraat



palo di lus. Na yegada di e ambulans nan a atende e chauffeur kende tabata tin un kap chikito na su frente y a ser atendi na e sitio mes. Polis a test e chauffeur pero ela supla net riba e liña y a duna e chauffeur un boet pa un di su papelnan no ta na ordo.



Diadomingo anochi a drenta informe di un accidente cu hende herida na J.G. Emanstraat, mesora a dirigi tanto polis

como ambulans na e sitio. Na yegada di e patruya a bin compronde cu e chauffeur a baha caminda y a bay dal stret riba e

Paga bo cuenta online ta facil

Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447

Dama turista herida cara baha no ta conosi si ta cay ela cay of ta herida

Diadomingo anochi a drenta informe di un caso unda un dama su cara ta full herida, of nan a dal e pero e tabata herida te cu polis y ambulans no ta conosi si ta cay ela cay




GERENTE A BAY SACA HOMBER BURACHI Y FRESCO FOR DI DEN E LUGAR Y E HOMBER MES A CAY KAP SU CABES



























Diadomingo anochi a drenta informe di cu na un bar na Piedra Plat e gerente a bay saca un homber burachi y fresco for di e lugar y durante esaki e homber burachi aki a cay kap su cabes, mesora a pidi polis y un ambulans p’e. Na yegada di e ambulans e homber a bira fresco y a insulta hende eynan. Ora ambulans tabata atende ela nenga di bay cu ambulans ya cu nan ta cobra pa hiba e stranheronan pa hospital y como cu e ta ilegal a lague pa polis.

Polis a detene y a hib’e na warda di polis djey pas’e pa warda nos costa pa su deportacion.



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - January 13, 2025

 <p>Sorteo # 4506 8326 9391 0973  FP  Sorteo # 4506 1471  FP  Sorteo # 2562 8154  Sorteo # 4506 1585 Cancer  Sorteo # 1380 361  X2</p>	<table><tr><td><p>Sorteo # 0 x Jackpot 0 x Match 4+ 0 x Match 4 0 x Afl. 12,00</p></td><td>Joker Letter Proximo Jackpot 210.000,-</td></tr><tr><td><p>Sorteo # 0 x Jackpot 0 x Match 4 0 x Afl 8,00</p></td><td>Proximo Jackpot 71.000,-</td></tr><tr><td><p>Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00</p></td><td>Mega Ball Proximo Jackpot 550.000,- Afl. 800.000,-</td></tr><tr><td><p>Sorteo #</p></td><td><p>Sorteo #</p></td></tr></table> <div></div>	 <p>Sorteo # 0 x Jackpot 0 x Match 4+ 0 x Match 4 0 x Afl. 12,00</p>	Joker Letter Proximo Jackpot 210.000,-	 <p>Sorteo # 0 x Jackpot 0 x Match 4 0 x Afl 8,00</p>	Proximo Jackpot 71.000,-	 <p>Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00</p>	Mega Ball Proximo Jackpot 550.000,- Afl. 800.000,-	 <p>Sorteo #</p>	 <p>Sorteo #</p>
 <p>Sorteo # 0 x Jackpot 0 x Match 4+ 0 x Match 4 0 x Afl. 12,00</p>	Joker Letter Proximo Jackpot 210.000,-								
 <p>Sorteo # 0 x Jackpot 0 x Match 4 0 x Afl 8,00</p>	Proximo Jackpot 71.000,-								
 <p>Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00</p>	Mega Ball Proximo Jackpot 550.000,- Afl. 800.000,-								
 <p>Sorteo #</p>	 <p>Sorteo #</p>								

A CUMINSA CU UN GRUPO NOBO PA ADULTO MAYOR NA FUNDACION CENTRO FAMILIA PIEDRA PLAT



Diahuebs 9 di januari nobo pa adulto mayor na Piedra Plat. Riba iniciativa a cuminsa un grupo Fundacion Centro Familia propio a lanta un comision

di 5 persona pa inicia cu un grupo pa 60+

E Comishon ta consisti di e siguiente personanan: Adriaan Berg, Lilia Bisslik, Faritah Luidens, Chantal Ecury y Yolanda Wolter como consehero.

E tawata un mainta hopi ameno y bunita unda tabata tin 32 Adulto mayor presente cu a bin registra y alabez scucha un dushi dande.

E Programa ta bay ta

2 biaha pa siman tur diamars y diahuebs di 9:30 pa 11:00 AM. Y lo bay consisti di fysio terapia, baile terapia y tambe difirente programa educativo etc. Comishon a keda hopi contento cu e acogida cu tawatin.

Pa mas informacion por tuma contacto via Whatsapp Cell: 6995545 Tel: 5834631 of por pasa personalmente.
email: centrofamiapp@gmail.com

Un año di crecimiento: PKF Dutch Caribbean & Suriname a celebra clausura di año 2024



Diaberna cu pasa, PKF Dutch Caribbean & Suriname a celebra clausura di año 2024 cu tur empleado, cliente y asociado. Un año 2024, cu segun e managing director di PKF Dutch Caribbean y Surnam, Edsel Lopez, tabata un año sumamente exitoso.

Un año cu e compania a ricibi un acogida grandi den e comunidad di negoshi aki na Aruba, pero tambe na e otro islanan den Caribe Hulandes y na Surnam.

PKF Dutch Caribbean & Suriname awo a expande nan ramo di servicio, desde 1 di januari 2025, cu auditoria y revision di e relatonan anual y otro forman di informacion financiero. Awo PKF Dutch Caribbean & Suriname ta

un “full fledge financial service provider”. Un compania relativamente nobo, pero cu un cultura habri y empleadonan motiva pa sigui brinda un bon servicio na su clientenan. Un clientela cu a bin ta creciendo y cu ta orguyoso di ta parti di e famia di PKF Dutch Caribbean & Suriname.

Den 2025 PKF Dutch Caribbean & Suriname ta premira un crecimiento di tur e tipo di servicicionan cu ta brinda den e region di Aruba, Caribe Hulandes y Surnam. PKF Dutch Caribbean & Suriname regularmente ta traha cu diferente compania renombra di Hulanda y Merca.

E filosofia di PKF Dutch Caribbean & Suriname ta

pa “tap” den e mercado internacional pa asina por brinda un servicio “top of the line” den e region di Aruba.

PKF Dutch Caribbean & Suriname como miembro di e network global di PKF, operando den mas cu 150 pais rond mundo, tin acceso directo na tur expertisio disponibel den e red di PKF. Pa ta mas specifico, PKF Dutch Caribbean & Suriname ta awo den proceso di finalisa un cooperacion cu PKF na Hulanda (cu algun luna pasa a cambia nan nomber na ‘Newtone’) pa asisti PKF Dutch Caribbean & Suriname riba tur tipo di servicio incluyendo auditoria. Pa PKF Dutch Caribbean & Suriname esaki ta algo importante pa por tin un sosten di Hulanda y Merca pa por expande nan servicicionan den e region di Caribe Hulandes y Surnam.

E managing partner di PKF Dutch Caribbean & Suriname ta orguyoso di e crecimiento di e compania den un temporada asina cortico. Segun Edsel Lopez, esaki ta debi na e enfasis cu nan semper ta pone riba mantene un bon relacion cu nan clientenan, e bon calidad cu nan ta brinda, e in-house disponibilidad di experiencia di hopi aña den auditoria, tax, accounting y “advisory services”, e puntualidad di nan servicio y claro e lasonan cortico internacional cu e firmanan y e expertonan renombra den e mundo financiero.

E mercado di negoshi ta



buscando alternativanan nobo y fresco pa brinda nan servicio den e ramo di:

- Auditoria / Review di e relatonan financiero y otro forman di informacion financiero.
- Internal Audit
- Tax & Legal
- (F i n a n c i a l)

Advisory
- Compilation & Payroll
- Corporate Finance

Gerente di PKF Dutch Caribbean & Suriname ta desea tur empleado, clientenan y partnernan un feliz y prospero año 2025.

FORTALEZA PA FAMIA

Scirbi Pa Pastor Marcel Balootje.

PALABRA DI DIOS, AMOR Y RESPET MESTER TA PRIORIDAD DEN TUR FAMIA

Lamentablemente, tin hende ta kere cu ta placa ta tur cos, pero hopi placa sin amor y respet den bo hogar, no ta trece felicidad, ta muestra un probresa comunicativo, pasobra no tin e union cu ta pone famia sali pa dilanti, pasobra financieramente e cos ta muestra bon, pero e curason no tin pas.

No pone placa dilanti di Dios, no sirbi placa enbes di Dios, placa ta temporal. Tur hende mester di placa, pero no laga placa domina bo bida, y si antes bo no tabatin placa y awor bo tin placa, no cambia bo manera, pero sigi biba humilde, asocia bo mes cu hende humilde, y especialmente no tira bo famia afo pa motibo di placa.

Berdaderamente ora hende ta malo, nan ta bin ripara cu e cantidad di placa cu tin no por yuda nan sali for di e malesa, ta Dios mes tin tur cos den su man, y ta Dios tin e ultimo palabra den nos bida. Cristo Hesus ta nos unico y berdadero, sanador, placa no por reemplasa Dios den ningun caso.

Ora ta trata di Famia, Amor y Respet ta e base di formacion, sin amor y sin respet, e yuinan no tin nada pa gara na dje den nan crecimiento. Si e muchanan no ta mira nan mayornan ta trata otro bon y stima otro, nan tambe ta lanta sin amor pa otro, sin amor pa nan mes, y sin amor pa prohimo.

E Palabra di Dios ta sinja nos pa stima Dios riba tur cos, cu nos curason y nos mente y nos alma y stima nos prohimo manera nos mes, den esey tur e Dies Mandamentonan ta inclui, pasobra tambe ta wordo demostra cu nos no mester haci cu hende locual nos no kier pa hende haci cu nos.

Efesionan capitulo 6 ta cuminsa muestra cu yuinan mester obedece y honra nan mayornan, pa asina tur cos bay nan bon y pa nan tin bida largo riba tera. Mescos tambe e mesun capitulo 6 ta bisa mayornan pa no proboca nan yuinan, pero lanta nan den e disciplina y instruccion di Senjor.

No lubida cu pone un mucha

rabia, door di papia malo cune, insulte, traha nomber vulgar pe, esey ta conta bao di abuso di mucha, y no conta mes ora mucha ta wordo sera den cas pa mayornan ta rek paranda riba caya, y e mucha no tin cuminda den cas.

Tin caso extremo caminda mucha ta wordo sera den camber, pa e no mira e cosnan baho y inmoral cu su mayornan ta involvi den dje, tin biaha hasta droga, bruheria y adulterio. Tur esey tambe ta abuso di mucha.

Efesionan capitulo 5: 22-33 ta papia di e amor cu un homber mester tin pa su esposa, y con e esposa mester respeta y somete su mes na su esposo, pero un cos ta importante, pasobra

caminda no tin amor y respet di parti di e homber, e sometemento di e muher ta tranca, paso e base di matrimonio ta amor y respet, den matrimonio tur cos no ta e bida sexual. Ta imposibel insulta un hende, manipula y maltrata un hende y despues bo kier tene relacion sexual cune pasobra e ta bo esposo/esposa.

Y tene cuenta cu tur e cosnan ey yuinan ta mira, y despues ora nan ta casa den nan cas nan ta kere cu manera nan mayornan a trata otro asina nan mester trata nan esposa/esposo y esey ta trece resultado negativo den un matrimonio.

Palabra di Dios, Amor y respet ta prioridad di nos Matrimonio y Famia.



Oracion di dia

Un feliz dia y cu Dios colma boso cu Su bendicion abundantemente

"Mi mester predica e Bon Noticia tocante Reino di Dios den e otro pueblonan tambe, p'esey a manda Mi!" Lucas 4,43

Hesus a bini na mundo pa siña Su discipelnan tocante e Reino di Dios.


Cu Su palabranan Hesus ta proclama binida di e Reino y cu Su actonan E tawata demostra cu e Reino tey caba y mesora E ta haci un milager di sanacion pa confirma cu berdaderamente e Reino tey. Mescos Hesus ta

spera di cada un di nos cu ta Su discipelnan. Nos ta nada otro cu sirbidonan cu a yega na fe pa medio di Hesus. Nos cada un tin cu haci e trabou cu Dios a duna nos guia pa Spirito Santo. No mag di tin envidia, division, ni pleitamento entre nos pasobra riba nos propio forsa nos niun no por haci nada. Tambe nos tin cu bay na unda Dios manda nos. Nos tur ta compañero den e trabou di Dios y Dios lo sa di recompensa cada un di nos pa e sirbishi den man di Dios. Animo rumannan pa sigui traha den e cunucu di Señor y asina gana alma pa Señor.

Oracion: Hesus nos Gran Maestro, instrui nos pa medio di Bo Spirito Santo y cu Bo luz ilumina nos mente y duna nos sabiduria pa nos por proclama Bo Palabra cu hopi curashi y humildad pa asina nos por ta un instrumento util den man di Señor pa sigui edifica

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



Jose Rosendo Tromp


Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compaña nos na un Santo Sacrificio di Misa na misa Inmaculada Concepcion; diasabra 11 januari, diasabra 18 januari y diabierna 24 januari Boso presencia ta altamente aprecia.

PICK-UP TA LORA PA BAY NA SNACKTRUCK E AUTO SU TRAS NO A RIPARA Y A BAY DAL SU TRAS



Diadomingo anochi a drenta informe di un



accidente banda di Wema na Ponton, mesora a dirigi un patruya na e sitio. Na yegada di e patruya a bin compronde cu un pick-up a bay lora pa bay na un snacktruck pero e chauffeur su tras no a ripa y a bay dal tras di e pick-up. E pick-up mes casi no a ricibi daño pero e auto su tras si.



Shailiny Tromp-Lee riba e gobierno nobo ARUBA TA EN ESPERA DI CLARIDAD

Parlamentario di MEP, drs. Shailiny Tromp-Lee, a duna declaracion clave durante su participacion den e programa Interes di Pueblo na TOP FM 95.1, buscando pa acaria e panorama politico di Aruba. Hopi hende a expresa confusion riba e proceso di e formacion di gobierno, specialmente ora di scucha cu su persona tabata presidente un dia y e siguiente, ya e no tabata. Tromp-Lee a splica cu esaki ta un proceso normal: actualmente e pais no ta conta cu un gobierno oficialmente institui.

Aruba ta wordo maneha pa un gobierno demisionario, lidera p'e Prome Minister Evelyn Wever-Croes, kende lo continua den su funcion te ora cu yega na un acuerdo di gobernacion entre e partidonan AVP y FUTURO, pa forma e gobierno nobo. Sinembargo, Tromp-Lee a señala cu esey no ta garantisa un desenlace inmediato ni sigur, loke a genera inkietud den e poblacion.

Dia 8 di januari a marca un evento importante: e huramentacion di e 21

parlamentarionan nobo, entre na e ministernan actual y e posibel futuro ministernan. Tromp-Lee a destaca cu esaki ta muestra cu ainda no a tuma un decision definitivo riba e composicion di e gobierno nobo. P'esey, el a subraya e importancia cu e negociacionnan no extende demasiado, pa evita retraso den tema esencial manera e presupuesto nacional di 2025 y e leynan critico p'e bienestar di e ciudadanonan.

A pesar di e situacion, Tromp-Lee a indica cu Parlamento tin plena

autoridad pa tuma decision. El a enfatisa, aunke e negociacionnan ta andando, e parlamentarionan no mester keda pasivo. Nan tarea ta pa garantisa cu e avane den e aprobacion di e leynan importante, cumpliendo asina cu nan

responsabilidad pa pueblo.

E Parlamentario a conclui cu e formacion pronto di un gobierno lo trece claridad riba e proximo pasonan pa Aruba, sigurando p'e pais sigui avansa pa un futuro mas stabiel y prospero.

